

Poštovani članovi biračkog odbora obraćamo vam se u ime Općinske izborne komisije Općine Centar Sarajevo.

Naime, imenovani ste Rješenjem br.13-05-79/20 od 15.10.2020. godine, o imenovanju biračkih odbora za Lokalne izbore, koji će se održati 15. novembra 2020. godine, koje je donijela Općinska izborna komisija Općine Centar Sarajevo.

U cilju zaštite zdravlja, a zbog pandemije uzrokovane koronavirusom (Covid-19), novih naredbi, mjera i preporuka koje je izdao Krizni štab Ministarstva zdravstva Kantona Sarajevo, ovim putem želimo ostvariti kvalitetnu komunikaciju sa svakim članom biračkog odbora, poštovati sve mjere Štaba ali i ispoštovati sve obaveze propisane u Izbornom Zakonu BiH, te vas informisati na najbolji način u ovim okolnostima o vašim obavezama koje ste preuzeli svojim imenovanjem u biračkom odboru.

U nastavku vam dostavljamo linkove preko kojih možete pristupiti video spotovima o radu biračkog odbora i na adekvatan način upoznati se sa svojim obavezama dan uoči 14.11.2020. godine, i na dan izbora 15.11.2020. godine.

https://www.youtube.com/playlist?list=PLPbKtryLtpKiVSRIalJM-QdV_nrvv4zJ3

<https://youtu.be/jR9XaZxOpLU>

<https://youtu.be/PNfXaPh0NVo>

<https://youtu.be/e4louwFK5sQ>

<https://youtu.be/U7ASmq6ADCM>

<https://youtu.be/SYoUXP32XcA>

<https://youtu.be/Tuk90CLssWE>

Centralna izborna komisija Bosne i Hercegovine je za Lokalne izbore 2020. godine razvila online kurs "Obuka za rad u biračkom odboru".

Kurs je dostupan na web stranici <https://obuke.izbori.ba/>.

Svaki član biračkog odbora na ovaj način ima priliku upoznati se sa izbornim procesom putem e-obuka.

Zbog lakšeg snalaženja i pristupa kursu na web stranici www.izbori.ba kreiran je baner sa oznakom e-obuke. Klikom na sliku ćete biti preusmjereni na početnu stranicu e-obuke.

U gornjem desnom uglu stranice nalazi se link na kojem piše "Prijavite se," nakon čega se otvara prozor za registraciju polaznika kursa. Na dnu stranice kliknite "Kreiranje novog korisničkog računa", nakon čega se otvara obrazac za unos neophodnih podataka (korisničko ime, lozinka, email adresa, ime, prezime, mjesto) i kliknite dugme "Kreiraj moj novi račun". Nakon što popunite neophodna polja na obrascu, putem email-a dobit ćete zahtjev za potvrdu registracije i klikom na linku emailu aktivirate vaš korisnički račun.

(Napomena: korisničko ime treba biti napisano malim slovima/kombinacijom slova i brojeva).

U toku sljedeće sedmice, u periodu od 26.-27.10. 2020. godine, Općinska izborna komisija će organizirati online obuku putem ZOOM aplikacije, pa će vam link, za ovaj način obuke, biti blagovremeno dostavljen.

Također, nakon što obavimo ovaj kombinovani vid obuke, biće organizovano i testiranje u terminima, o kojim ćemo vas informisati putem ove viber grupe.

Hvala vam na razumjevanju, u želji da dobrog zdravlja dočekamo i zajednički obavimo zadatke, kako se to od nas očekuje.

Srdačno vas pozdravljamo,

OIK Centar

22.10.2020. godine